



Page: 4

Reach: 50000

Country: BOSNIA AND HERZEGOVINA

Size: 199 cm2

1 / 1

## Predstavnik Američke tajne službe posjetio SIPA-u

# Prioritet borba protiv terorizma

Direktor Zubac prezentirao Dikersonu posljednje rezultate rada SIPA-e

Državnu agenciju za istrage i zaštitu (SIPA) posjetio je jučer predstavnik Američke tajne službe (United States Secret Service) Majk Dikerson (Mike Dickerson).

Dikerson se sastao s direktorom SIPA-e Goranom Zupcem, nakon čega je održan operativni radni sastanak s pomoćnikom direktora SIPA-e za Kriminalističko-istražni odjel Anđelkom Hrgićem. Sastanku su prisustvovali i ataše za sigurnost Ambasade SAD Kevin Marfi (Murphy) te istražitelj pri Ambasadi SAD Ognjen Maslo.

Direktor Zubac prezentirao je posljednje rezultate rada SIPA-e i naglasio da je borba



**S jučerašnjeg sastanka: Dogovoreni modaliteti buduće saradnje**

protiv terorizma prioritet rada SIPA-e. On je rekao da će u budućnosti akcent biti na jačanju sveukupnih materijalno-tehničkih i istražnih kapaciteta SIPA-e, kako bi ukorak s vremenom mogla odgovoriti na

sve sigurnosne izazove, a prije svega preventivno djelovati.

U tom kontekstu posebno je naglasio važnost profiliranja najjačih istražnih kapaciteta i nabavke najsavremenije opreme i naoružanja za Jedinicu za specijalnu podršku SIPA-e. Zubac je rekao da je SIPA iskren i siguran partner SAD i zahvalio na dosadašnjoj podršci u jačanju kapaciteta Agencije, ističući da će SIPA vratiti rezultatima te da će u budućnosti biti još moćnija.

Na operativnom radnom sastanku razgovarano je o modalitetima i pravcima buduće saradnje, saopćeno je iz SIPA-e.

## Sastanak s Musinskim

Državnu agenciju za istrage i zaštitu posjetio je jučer i savjetnik za sigurnost UN-a Korneliju Musinski (Corneliju Musinschi), sa saradnicima, i sastao se s direktorom Goranom Zupcem. Budući da se radi o prvoj posje-

ti SIPA-i, razgovarano je o svim aspektima rada Agencije, njenim nadležnostima, organizacionoj strukturi, modalitetima saradnje s partnerskim agencijama u BiH i šire te ulozi koju SIPA ima u sigurnosnom sistemu BiH.